

## Transkription von Urkunde SDL 1386a

Ort, Datierung: Stendal, 1386-05-03

Signatur: Landeshauptarchiv Sachsen-Anhalt in Magdeburg, U 21 III 7, Nr. 21 [\[online\]](#)

Inhalt: Henningh van Sanne, Ghereke van Nyenkerken et al.: Zahlungsversprechen

Bemerkung: anderes Datum: 02.05.1386

---

Ik henni(n)gh van sanne wonachtich thũ sanne zakeweldeghe des na be screuen gheldes ghereke van nyenker=/ken vn(de) Jũnghe hans osterholte knapen borghen vn(de) medelouere wỹ be kennen vn(de) be tũghen openbare / met dessen breue dat wỹ louen vn(de) hebben ghe louet in guden truwen vn(de) met eỹner zamendenhant / abraham , salomon moseen syne(n) sonen vn(de) mattana syne broder Joden thũ stendal vn(de) eren rechten / eruen achte mark vn(de) eỹne(n) veỹrdink brandenb(ur)g(ischen) suluers stendal(scher) wichte vn(de) ghe were de loue / wỹ en thũ be reỹdene vn(de) scholen en dar haũe vor gheuen in der stad thũ stendal nũ thũ sunte / mertens daghe de neghest thũ komende is vn(de) wer dat wỹ der haue nicht eỹn kũnden werden / so scholen de Joden kesen eỹnen bedderuen man vn(de) dar schole wỹ eỹne(n) teghen kesen vn(de) de / scholen vns vntschichten vn(de) wes de bedderue lude segghen dat de haue werdich is dar scholen / sỹ de Joden vor nemen dỹt loue wỹ knapen vorbenomet alle in guden truwen vn(de) met eỹner / zamendenhant dessen vorscreue(n) Joden stede gantz vn(de) vaste thũ holdene ane vortoch ane bosemeỹ=/ni(n)ghe ane hulperede vn(de) sunder allerleỹge argelist , thũ eỹner grotere(n) be kantnisse hebbe wỹ / vnse Jngheseghele vntleken thũ thũge laten henghen an dessen bref ghe screue(n) na godes bort , / drũtteỹ(n)hũndert Jare dar na in deme sesse vn(de) achteghesten Jare des anderen daghes na phi=/lippi vn(de) Jacobi der hilghen apostele ,